閩/生活/☆☆☆★

## 先顧腹肚,才顧佛祖

咱臺語有一句不止仔有名的俗語,講「先顧腹肚,才顧佛祖。」意思是講先顧腹肚食會 飽上要緊,才閣來顧慮精神方面的代誌。

用西方出名的管理心理學家『馬斯洛』博士(『Dr.A.H.Maslow』, 1908-1970)主張的, 人類的需要有五个層次這套理論來說明,可能就會閣較好理解:

- (2) 安全上的需要:這是人類要求保障自身安全、排除失去事業恰財產的威脅,也就是一種感受著安全的需求。包含個人、家庭恰整個社會的安全機制。
- (3) 社會歸屬的需要:這个層次包含友情給親情兩个方面的需求,也就是一種歸屬佇某一个團體抑是家族的感情,而且互相關心恰照顧。這是屬佇心理上的需求,和個人的特性、經歷、教育、宗教信仰攏有關係。
- (4) 受尊重的需要:這是咧講屬佇要求個人的能力和成就,得著社會的承認佮尊重的需求,也就是一个人希望家己有實力佮才調會當獨立自主,閣進一步希望有地位 佮威嚴,受著別人的尊重、信任佮評價。『馬斯洛』博士認為,尊重的需求得著滿足,會予家己充滿信心,對社會充滿熱情,體驗著人的價值。
- (5) 自我實現的需要:這是上懸層次的需求,是咧講實現個人的理想佮願望,會予家 己得著上大的快樂。

當然,面頂所講的五个層次的需要,每一个人攏會無全,嘛會因為時代、地區佮環境的改變產生變化。『馬斯洛』佮其他的行為科學家嘛攏認為,一个國家多數人需要的層次,和這个國家的經濟發展水準、科技發展水準、文化和人民受教育的程度是有直接相關的。佇較無發達的國家,生理需要和安全需要占較大面;若是佇較發達的國家,就拄拄仔顛倒反。

若講著「才顧佛祖」這句話,原本是干焦為著鬥句爾爾,和個人宗教信仰應該是無直接的關係,按呢對無佛祖信仰的原住民恰其他信仰的族群毋才講會通。閣因為人是社群的動物,社會的安全佮發展,攏會影響著每一个個人佮家庭,所以逐个人攏袂當干焦顧家己的需求佮自身的享受,嘛著關懷規个社會的安全佮發展。顧佛祖就是提醒人追求家己基本需求以外的社會責任,按呢才是正範的。

作者: 陳憲國

## ☆詞彙學習☆

【不止仔】put-tsí-á:非常、相當的意思。

【佛祖】Pùt-tsóo:原指成佛作祖者,本 文指精神層次的。

【蹛】tuà:本文指居住之意。

【占較大面】tsiàm khah tuā-bīn:此指占 大部份。 【拄拄仔】tú-tú-á:剛剛;剛好。

【顛倒反】tian-tò-píng:相反;倒過來; 上下顛倒。

【正範】tsiànn-pān:純正,非假。本文 指正確的之意。